

四庫全書

集部

欽定四庫全書

集部
林蕙堂全集卷二十三

詳校官檢討臣劉錫五

助教臣常循覆勘

總校官降調編修臣倉聖脉

校對官編修臣吳錫麒

謄錄監生臣黃恒謙

欽定四庫全書

林蕙堂全集卷二十三

湖州府知府吳綺撰

藝香詞

小令

明月斜

春情

月華春風光夜乳燕尋花不肯歸玉奴背向珠簾下

憶王孫

寒夜

昨宵凍合水晶宮
鸚鵡嫌寒罵玉籠
鴛鴦錦衾窩曉起慵
小牕封雪在山茶樹上紅

白蘋

白蘋香裏鷺鷥飛
一片青帘掛夕暉
江上西風客未歸
小蛾眉倚徧闌干紫袖垂

桂殿秋

秋宵

梧桐冷柳陰斜新月橫拖一縷霞青天亦有孀娥怨獨恨狂夫不憶家

花院月

花院月柳橋風春來飄泊笑吳儂情人偏向歡時去怨句徒憐別後工

轉應曲

蟋蟀

蟋蟀蟋蟀啼向蘭閨聲急秦娘初解離情悄擁鸞衾夢
驚驚夢驚夢斜月壓簾霜重

鸚鵡

鸚鵡鸚鵡花底時梳翠羽見人學道相思却憶關山別
離離別離別萬里秦天隴雪

搗練子

秋夜

聲淅淅影蕭蕭白雁南歸入夜高別夢路常迷菡萏愁

人牕怕種芭蕉

離緒

秋漸晚不歸家又見青天月一芽愁煞銀箏無意緒有
人和淚剪燈花

如夢令

金陵舊感

楊柳白門春樹燕子滿城風絮看盡六朝花人在畫樓
深處烟雨烟雨蕭瑟江關如許

憶舊

猶憶秦娘初見匿
笑佯迴金鈿飄泊損紅顏
煞巫山影現誰怨誰
怨淚灑犀簾一片

望江南

揚州

揚州路人醉竹西
亭畫漿船頭荷葉大
玉簫橋上柳花輕
山送過江青

又

揚州夜花月擁邦闕錦瑟兩行傾玉盃紅燈千影照珠
鬢春漏不曾寒

溪南雜咏 選七首

溪南好水閣對斜曛灘響聲流三伏雪畫欄閒倚一秋
雲客到可論文 高雨閣

溪南好十二有高樓碧檻暗隨朱閣轉紅燈遙映綠牕
幽花底夜藏鈎 十二樓

溪南好曲水舊名園老樹陰連看奕館藕花香繞讀書

軒元龍榻自眠

曲水園

溪南好松雲帶翠微
百尺簾櫳紅日早
四窓屏障碧山圍
遍倚欲忘歸

松雲館

溪南好新橋一道通
雁齒溪邊飛宿鷺
魚鱗花下偃垂虹
畫檻正當中

新橋

溪南好蒼筍欲成林
碑上金留奇樹影
壁間波動海潮音
松古一亭深

仁義寺

溪南好桂樹一廳多
天上夜寒生玉兔
人間秋老發金

鵝仙斧莫輕磨

桂園

江南春

春情

情脉脉恨依依
烟歸花影直
風到柳條知
紅閨春盡無
人覺鸚鵡籠香睡
欲癡

摘得新

月漸殘

月漸殘花陰壓玉欄
燈前金屈戌小屏山
山外有人頻

入夢未曾還

一葉落

秋閨

一葉落粘珠箔青蛾夜半傷離索
葉離春更生人離盡
虛約盡虛約前事思量錯

鴛鴦綺

早春

小欄干倚近百花寒
只被東風覺吹人衣袖單

梧桐影

人未歸

人未歸春將半小玉嬌憨妒燕兒
押簾早放黃金蒜

西樓夢

粧懶

粧懶粧懶擁髻慵開鏡樓前花發
雙枕閒玉兒只為春
寒病

明月

明月明月直入秦樓裏
蛾眉夜半不能眠
開窗坐把銀箏倚

斜照

斜照斜照一半紅
珠幌歸來雙燕語
黃昏離愁又在江樓上

又明月

明月明月一片多情影
當樓照入碧紗厨
美人微醉纔微醒

凭欄人

陌上

陌上花開烟景稠
折得花枝紅在手
將花却自羞
惹東風吹不休

本意

何處江帆載夕陽
十幅蒲帆一半黃
高樓倚暮粧
望天涯雲水長

碧牕夢

楊柳

楊柳將烟細梨花着月明
玉人忍淚按銀箏絕似小窓
低語沒人聽

十六字令

春情二首

春纔到深閨便泥人
花知道一點要溫存
情不識他從何處生
相逢處但覺惹人疼

花非花

離情

月方沉天將曙夢不成留莫住樓中無數可憐人江南
盡種相思樹

解紅兒

憶別

白項鴉花冠鷄未明都向枕邊啼為報東風太狼籍花
落盡玉窓西

喜春來

有見

一灣綠水花遮路
朱欄人倚樓
嬌憨不肯下簾鈎
莫轉頭
新月半天愁

歸自謠

閨憶

深院靜風颭落花紅
不定牆東月下鞦韆映
玉驄一去成孤另
愁誰証說來
但與鸚哥聽

寒食

一百五多少龍蛇原上土棠梨風急紅無主
朝來寂寞輕烟縷垂楊舞鞦韆挂在鶯啼處

相見歡

春閨

垂楊綠到闌干又春殘看盡一庭花雨小紅慳
憑畫檻拋繡帖夢無閒檢取近來雙袖淚痕斑

吳興感事

西風落日登臺眼重開無數繞城山色送青來
古今

事吳越地幾雄才一片項王馬埒亂雲堆

去來

去來來去匆匆可憐儂惆悵謝家明月小亭中
何處見誰為辨夢無蹤那得燕兒銜出一春紅

別夢

半窓殘月朦朧畫橋東夢裏那人愁坐小屏風
空惹恨難覓信恨匆匆待把別情珍重託歸鴻

長相思

夜坐

花一牕月一牕酒醒西齋聞暗香
黃梅初破霜 琴聲
長漏聲長綠淺庭莎鶴夢涼
懷人字半囊

平望舟中

春春波秋秋波錦纜牙檣似擲梭
青山奈客何 官船
過估船過不及漁翁自唱歌
斜陽晒綠蓑

舟夜

盼行程數行程秋滿江湖客自驚
灘聲雜雨聲 話難

憑夢難憑水驛人稀錯報更荒雞不肯鳴

醉太平

悠然閣偶題

波光半城花陰一庭秋山萬朶青青作南牕畫屏
顛
狂酒兵蕭疎墨卿吾師只愛淵明採東籬菊英

吳興

空亭鶴雛空牀蠹魚詩瓢酒殘茶爐是湖中簿書
郎
真漫乎翁真醉歟樊川逸少眉蘇結烟波釣徒

題醉仙圖為念因壽

顛耶其仙聖耶其賢人間齷齪堪憐向醉鄉且眠歌
乎有弦吟乎有箋糟丘長據千年其誰曰不然

放歌

燈前翠蛾花前綠螺人間明月無多任先生去波
家雀羅張家鳳窠生平得失如何和香山放歌

偶作

相思可憐離情漫傳斷腸准擬今年在雲邊水邊
青

簾畫船紅燈翠絃半生潦倒依然為花顛酒顛

題抱膝看雲圖

河山眼前雲霞足邊故鄉一望依然彼黃冠者仙
匆兩丸蒼蒼九烟白衣變幻堪憐向南陽且眠

感恩多

看美人卧

霞斂紅牕曉屈戌黃金小鸚鵡莫驚猜報人來
偷覷
屏山深處有人眠有人眠倦眼惺忪壓衾花半邊

春光好

苔川偶題

隨柳絮拂榆錢
冶遊天欲問水嬉何處五湖邊
醉裏題將羅扇歸來拾得金鈿
走馬碧雞人莫笑海棠顛

迎春

春來也是何時没人知
先到玉兒頭上裊花枝
十二畫樓簾捲紅粧笑
語參差爭向綵幡成隊處
看朱衣

立春

朱閣麗綵幡輕好風生萬樹梅花一夜明曉來晴錦
爆拋殘寒色瑤笙吹出新聲畫牒印將瓊屑碎滿江城

生查子

同顧菴次澹心韻

綠綠白蘋洲認得吳興路不見水嬉人密葉青如雨
行春復幾時紫馬尋花去誰有惜春心寒食隨儂住

一痕沙

元宵感事

記得去年時節爛醉紅燈白雪今日又離家見梅花
無限西州舊事獨剩江山如是老却眼中人奈何春

記事

記得鵲橋時候小飲綠牕紅瘦舊約忽蹉跎淚痕多
三十六陂秋色何處問他消息兩地好相思沒人知

廣陵懷古

滿地西風黃葉冷却二分明月可惜好雷塘任牛羊
飛盡隋堤柳絮歌吹不知何處閒煞古揚州夢青樓

惠山有見

可是天台伴侶家住碧雲深處一笑出鸞紗認桃花
怕被罡風吹着仙帔香籠紅藥郎是幾時來繡簾開

太平時

無題

羅衾橫裏一牀癡枕痕知些些情事費尋思暖香時
五鼓衣裳三鼓月去來遲傷心休唱竹枝詞比紅兒

題前山欲雨圖

江南春到柳花多
麴塵波劉郎浦口唱漁歌
好婆婆
一片前山剛潑墨
晚雲拖呼兒料理舊青蓑
看如何

點絳脣

春情

幾度鶯啼垂楊綠
了千千縷玉驄人去滴盡西牕雨
撲損菱花金粉都無緒
相思處無情山色遮却多情路
煙雨樓次史邦卿過西泠橋韻

煙水無情當年曾照朱樓影
鴛鴦飛盡有夢如天迴

紅藕花殘桃葉歌聲冷萍無定蕭蕭短鬢白髮羞明鏡
咏蝶次弘載韻

柳雨花煙英臺尚記生前景去來相並艷殺羅裙影
絮粉茸金眉眼從來靚紅珠冷花房睡醒相逐過金井

咏蟬

素綾高嘶半生贏得風和露槐朝柳暮占斷江頭樹
抱葉吟條似向行人訴愁無數不堪聽處六代斜陽路

咏蟋蟀

秋到庭除不知何事須頻說
做成悲切訴向淒涼月
斷礎頽垣似為愁鋪設
聲無歇苔花如雪點點秋棠血

南昌寓樓見周北公題壁依韻和之

一派波聲片帆吹過鄱陽雨
晚霞收暑是我登樓處
浪跡天涯事事渾無緒
何時去往年西浦
酌酒同懷古

老梅根

詰屈虬根暗香疎影何年得
廣平鐵石先有春消息
幾點寒英用盡東風力
誰曾識冶傳南國雪
老梅苔碧

咏素馨花燈

春散蠻天珠江處處如雪綵絲誰纈砌作團圓月
鳳蠟高懸熏得濃香徹羅幃揭芳心猶熱情在香難歇

醉花間

春閨

思時候憶時候時與春相湊把酒囑東風種出雙紅豆
鴉啼門外柳逐漸教人瘦花影暗牕紗最怕黃昏又
望家信不至

揚州水 贛州水 雪浪千千里 魚不解銜書 空躍黃金尾
靈氛虛報喜 許我平安紙 寒燈亦見欺 花顫鸚哥嘴

浣溪沙

有感

吳苑青苔鎖畫廊 漢宮垂柳映紅牆 教人愁殺是斜陽
天上無端催曉暮 人間何事有興亡 可憐燕子只尋常

春情

南浦輕烟蘸碧波，西冷油壁少經過。
鎖牕獨自畫青蛾，淚點漸同花片落。
情絲長似柳條多，鏡中金翠奈春何。

客懷

搖落關河懶問津，扁舟萬里送孤身。
亂山秋色又斜曛，江上泊逢吹笛客。
月中難作倚樓人，可憐愁殺鮑參

軍

無題次友人韻

欲起偏生恰墜釵臨行那得更兜鞋教人憐處且徘徊
江水無情桃葉去春風有約柳枝來漫拋江淚被人
猜

霜天曉角

雪後夜登愛山臺

孤臺雪霽雪月光相泥把似大羅天闕天上全無地
此時雙鶴唳弄花梅吐氣明日頭銜須換直寫水晶宮
吏

偶吟

詩愁酒病不改耽
花性獨怪秋來山色都砌做江淹恨
西風黃葉陣霜寒歸雁信料想玉樓人眼望不得斜
陽盡

酒泉子

春夜

花影天邪晴月照人今夜羅窓半展
泪痕斜有些些
巫山欲夢楚雲遮
繡被香寒宮麝隔牆聞響
七香車是

誰耶

紗窗恨

離緒

桃花一片春輕薄
誤東風有人獨坐紅珠落
小牕中

憑誰事
陡生離恨
淒涼煞
釵上金蟲
央及青鸞去
問臨

印

減字木蘭花

憶遠

天涯何處芳草砌成腸斷路欲寄離愁怕聽征鴻不倚樓
琴慵酒懶柳絮榆錢春漸晚撩是淒涼夜夜燈花瘦影長

題穀永新園

車門清雅小構樓臺成罨畫花竹扶疎夜半荷香繞異書
起來微醉月照斜陽人影翠映徹雕闌烟盡遙山似綠鬟

湖光

湖光夜徹飛上小樓都化月人似梅花爛醉孤山處士
家 夢雲縹緲起傍玉蘭花影悄燕子多情偷得紗幮
細語聲

飲家伯成署中

官齋清暇容我疎狂傾翠筍晴月如霜晒破檀梅一萼
黃 燒殘畫燭把酒清談人似玉來日揚舲回首龍山
眼共青

贈彭爰琴

燕山尺馬攜手河梁人去也此地相逢隋苑秋聲百尺
桐綠么紅豆一曲新詞花影瘦自是彭宣曾向扶風
聽管弦

題何奕美小照

傳神阿堵此是何郎須認取莫浣征衫嵒絳當年血尚
斑樹猶如此百尺亭亭誰可擬賦就新詩東閣梅花
又一枝

題家介茲照

五都驚見李白軒軒霞一片季重何人風雅如髯果絕
倫蕭蕭黃葉此際幽懷誰可說同是延陵相對還須
酒數升

題尤悔菴清平調雜劇

仙才供奉豈藉尋常科第重失却珊瑚只笑唐家結網
疎知君寄託掃盡里兒容做作爛醉沉香此後誰堪
七寶牀

鳳條清露

鳳條清露滿地綠雲蒼蘚護若有人兮冰雪文章手自
攜玉山如照此日洛陽人正少夜夢凌風好入天門
第八重

樹蘭

家原幽谷自別湘沅非舊族葉葉枝枝婀娜江城玉露
時靈均漫採根蒂雖殊香未改金粟全身那用朝衣
侍女薰

鷓鴣

玄黃繡羽未到炎荒先見汝與汝何干聞道飛時自向南
釣輟不息人自欲行空費力叫斷江風細雨寒煙
苦竹寒

添字昭君怨

感事

聞道青溪歌院只剩兔葵一片五更還響落花風景陽
鐘寂寞白門楊柳春思渾如中酒鴛鴦飛盡莫愁湖
可憐無

春寒

落盡梨花時候寒到將殘更陡添衣偏覺畫羅單是今
番 幾夜睡來難穩却恨東皇心狠明欺繡被半牀空
是東風

菩薩蠻

無題次後主韻

月帶煙霜花帶霧巫山只合愁人去攜手下瑤塔心忙
褪繡鞋 語低防聽見觸手心先顫應知離別難未離

多少憐

乍遇 咏青溪遺事畫冊和程邛韻

落花欲定風吹起惜花人在東風裏飄颻金縷衣相逢
燕子飛 臉兒纔半見恨煞齊紈扇紺蝶與黃鶯輸他
春一雙

奕棋

碧闌干外安榴吐金籠午倦呼鸚鵡光景劇爭棋一枰
花影遲 小姑旁袖手奪角防開口賭却玉釵兒嗔輸

半子時

私語

空庭落盡梨花雪同行最怕分明月眉蹙翠連娟含情
悄並肩盟深宵未倦香吐唇脂茜低囑莫教聞鸚哥
解語人

迷藏

招邀女伴東鄰近小家碧玉初攏鬢作弄各潛藏銀牀
花影涼釵防珠網邏深向湖山躲驚鳥動花枝拖將

綉藕絲

彈琴

晴蟾綠浸梧桐葉微風午夜消寒熱雙環對人彈冰香
袖口寒 金花明寶串一曲離騷怨有客本浮湘今宵
覺漏長

讀書

蕭蕭夜靜鳴窻竹翻書愛與郎同讀難字故撩人紅絲
記問頻 嬌羞郎對面句澁佯遮扇把卷一回頭茶傾

笑未休

潛窺

梅花千樹圍香雪
水晶窓掩多情月
燭影坐羈雌誰知
郎暗窺
餅金應用慣
贏得紅綃看羞頰
動春潮低頭
墮鳳翹

秘戲

龍鬚方錦躡香玉
鷓鴣枕側雲鬟綠
金蒜不能垂巫山
匿笑時
屏搖金屈戌
那得雙眸覩
撩老比鄉中溫柔

伴小紅

偶賦

滄浪亭下波光碧
春來又作鵝兒色
盡日把綸垂無魚
且自歸
携蒲聊一戲
寧道無休勢
驕馬脫金銜
思量已再三

又

夢中猶記開鸞鏡
時新開掃梳
雙鬢枉道没人同
巫陽
隔萬重
春光看漸晚
心緒揚花滿
憔悴老徐娘
曾經

事玉皇

又

花前偶把清平賦
沉香酒醒知何處
賤賣十眉圖
嫦娥畫得無
九天歌吹斷
雨露何時見
鸚鵡事全非
淒涼舊羽衣

又

十年寥落空彈劍
子雲閣上誰相盼
垂翼更何云
天高第八門
烏程誰貫酒瓶罄
終難有春去
忽聞蟬水嬉

人可憐

又

宵來白鳥如雷鼓露筋那顧貞娥苦披髮漫狂呼離騷
熟讀無門東兒自哭茅捲秋風屋澆酒向蝸廬長歌
弔伍胥

又

人情反覆寧須道英雄眼底吾將老長劍日摩娑人間
怪事多夜闌空耳熱鬼笑燈將滅長揖問燕丹田生

值幾錢

又

秋來醉倒黃花下
淵明不是甘田舍
擊碎案頭壺能消
猛氣無
青山雙蠟屐去去
尋煙客誰許
辦裝錢橫眸
欲問天

又

古今勝負如棋耳
欲憐欲殺誰為此
世事總蒼茫何堪
鼠易腸
百年寧有錯幾日
何堪絡詩酒過殘
年狂來

不上天

離心

離心夜共燈花碎
羅衾倒蓋何曾睡
不肯過西窓空樓
月影黃
分明曾夢見
猶自相偎戀
猛地被風驚吹來
雁一聲

和悔菴

江都不似開皇好
牛羊橫卧雷塘草
伍員但吹簫
霜痕斷板橋
田家無幸舍
躑躅秋蓬下
服食學淮南
水精

何用鹽

又

西風吹醒春婆夢無端又作參軍弄朱戶倚雲高藜羹
似七牢 占著同得履北道誰為主買駿用金時寧須
謝眺詩

卜算子

不寐次西樵

夜半雪花深凍醒梅枝雀蝴蝶思春不肯來香瘦何郎

閣宿酒避雞聲夢怕憂相索聞道圖南有睡方只少
無愁藥

巫山一段雲

憶舊次弘載韻

密意珊瑚帶深情翡翠卮人前隱笑動蛾眉嬌多語故
遲為有愁中態都成夢裏思當初錯處也相宜何況
總宜時

大孤山

萬頃明波碧千尋夕照紅靈旗隱約在雲中凌波翠一
弓莫把彭郎倚誰將宓女通大喬何事不從容容易
嫁江東

題倚梅美人圖

影靜知春早情多耐曉寒亭亭嫋嫋怕成殘肯去倚闌
干獨愛香無那同憐瘦欲刪黃昏只許月平安蜂蝶
不教看

採桑子

秋閨

西風不管梧桐葉亂落秋光跌碎斜陽猶剩紗窗一半
黃新寒陡入羅衣薄睡盡殘缸鎖却餘香昨夜南來
雁帶霜

題悔菴讀離騷雜劇

瀟湘千古傷心地歌也誰聞怨也誰聞我亦江邊憔悴
人青山剪紙歸來晚幾度招魂幾度銷魂不及高唐
一片雲

玉樹後庭花

畫寄亭作

槐根幻出南柯郡夢憑誰問蜂窠燕壘勞安頓暫排春
悶幽欄曲徑花傳信柳疎梧嫩仙鶴一雙苔跡印落
些風韻

好事近

戲東坦夫

綠葉已成陰只剩廣寒一樹昨夜月中香墜被流鶯銜

去誰言金嫩未勝鴉漸有芳心露却怪蘇門仙客勸
春光不住

戲答

把酒問東風何事便都春去莫遣鸚哥知道勸桃花且
住年年強半為花疼花有疼人處難道東風不曉把
啼鶯分付

閨情和正持松濤詞韻

金斗熬沉香難慰離腸愁結強向人前歡喜恨眉痕暗

洩 今年心事更重重較與去年別昨夜空牀孤影睡
蟾光清徹

歸思

一片故鄉心猛被角聲吹破酒薄不如愁釀怕今宵難
過 漫將離恨訴青天天有許多大淚溼枕痕難熱共
梅花清坐

柳含煙

咏柳

江南路柳絲垂多少齊梁舊事玉蛾金繭只霏霏掛斜
暉眼眼眉眉都是恨人去靈和莫問誰堪眠起對紅
闌晚風吹

漁父家風

過西塞山訪張志和舊隱不得

鱖魚春水舊迢迢有客泛蘭舫而今事往無人問花落
大夫橋新月小暮山高古風遙樵青何處款乃聲聲
如意頻敲

謁金門

雨後

朝雨沐小閣翠陰如幄閣外白雲飛去速亂峰添意綠
靈鷲喜聲相續新笋看看成竹滿逕落紅無管東燕
兒銜補屋

秋夜

真堪憶江上亂峰堆碧高處乘風橫鋏笛笑人間不直
千古鬪竒角力不了砌蛩啾唧天上神仙何寂寂桂

花間歎息

夜思

天欲雪客裏凍僵蝴蝶一介斷鴻聲哽咽影寒燈半滅
獨抱幽情誰說不睡翻嫌明月夢裏家山青幾疊那
人何處歇

春情

春欲老雨雨風風昏曉枝上殘紅塔下草掃應還更掃
何事最傷懷抱芍藥開遲謝早獨倚闌干添懊惱釵

鸞歆鬢小

留客

春將去燕子留春不住分付落花飛滿路
隔將春去處
畢竟春光難訴轉怨亂紅催取我問落花誰誤汝
莫
嗔風共雨

送春

春歸決半夜起和春別
窗外落花堆似雪
送春惟有月
恹恹杜鵑啼徹月也
和春休歇
竊藥嫦娥空有訣
春

覓難再接

更漏子

和阮亭與友人話秦淮舊事

柳遮樓花拂地金粉六朝爭麗歌檻裏舞闌中鸞笙醉
軟紅 燕飛忙鶯語咽天寶何堪再說愁黯黯淚瀟瀟
孤燈白下橋

夜情

被慵薰釵懶卸愁到天涯今夜歎繡枕對銀缸相思月

半牀 有誰知無處問燕子不傳芳信花點點柳絲絲
無聊是此時

離情

嶺頭花橋上月記得箇時離別孺子榻仲宣樓無端又
一秋 五更心千里夢只把鬢絲撥弄空寂寞好思量
籬邊菊蕊黃

又

夢揚州題雲館杜牧尋春較晚憂莫解病誰知愁多變

作痴 一江波千里路只辨夢兒來去憐薄倖恨多情
斜陽隔岸箏

清平樂

太湖

亂山青接粘住吳和越萬頃琉璃秋映徹做作蘋風柳
月 烟波誰是吾徒西風吹出鱸魚斜日盪將艇子醉
教桃葉相扶

題悔菴醉桃源雜劇

山空石古遮斷桃花檣採菊東籬杯自舉獨把義熙留
取 門生兒子籃輿有時直上匡廬人道賢哉隱者不
知禪也仙乎

誤佳期

嘲友人

金井初堆飛雪松栢有人堪結紫綾半臂記當時別樣
多疼熱 錦帶託纏綿脂粉翻嫌湮五湖載去聽黃鸝
自是相思切

憶秦娥

次梅村韻

情脉脉蘭成本是江南客
江南客烏啼門外斷腸橫
笛秦淮十里楊花白濛濛
細草春煙濕春煙濕板橋人
散月明騷瑟

客中生日戲示陶姬

今何夕年年苦被霜華逼
霜華逼十三樓上幾番吹笛
山河滿目斜陽急闌干
醉倚蛾眉碧蛾眉碧英雄老

矣壯心猶昔

玉聯環

夏景

梧桐密處清陰重
碧紗風弄落花簾
外舞輕紅又與蒼
苔補空雪藕調冰
佳興有誰堪共日
長縱得綉工夫不
穀將愁將夢

畫堂春

畫寄亭雨中移花次韻

垂簾日午不啼鶯
雨聲遙應棋聲吳兒恰
到載花舸
惹起多情
閒着池邊蠟屐
還來竹下紅亭種花
不是為花
疼花為情生

西湖偶作次辰六韻

小樓一望暮山橫
山光飛上層城
西湖深夏綠波平
荷葉風清
芳渚半生花氣
畫船時送歌聲
鄂王祠樹白
公亭今古闕情

八月梅花

人間珠露欲為霜畫屏那得春光劉郎驀地共何郎并
艷爭芳 鬢上紅嬌天寶額邊粉綴含章當年剪綵憶
家鄉笑殺隋皇

阮郎歸

雨後坐聽小奚度曲次子壽韻

清和時候雨初晴鳩歡急婦聲夜來涼影月華明花陰
綠一亭 雲淡淡露英英有人吹玉笙金衣一曲漏三
更天空星自青

西湖立秋

田田葉上晚珠圓
秋從荷氣傳
紅衣欲動笑
輕烟真真似絳仙
霞彩媚月華
鮮兩峯青對眠
倚樓人靜影相連
吹簫勸玉船

松陵道中

西風吹老幾斜陽
鱸魚墜釣香
蜻蜓艇子下
金昌花開七里塘
荷作屋菊為裳
離騷歌一章
錦袍醉過謫仙狂
同騎白鳳凰

倦圃看桂席上贈徐姬

南園仙葢綻金鵝天香點袖羅憑欄小影漾橫波情多
因病多有宛轉漫騰那回頭雙翠蛾憐憐惜惜斂心
窩可憐真奈何

雁水昆仲過曾波閣小集分賦

南池煙景似瀟湘荷風面面涼山公走馬興非常銜杯
月一牀憑畫檻瀉瑤漿團圞夜未央沙邊羨殺白鷗
雙渾身紅藕香

眉峯碧

立春

鏡裏韶光早彩勝
釵梁裊捲簾都是惜春人
爭道是來年好
生怕東風小
央及庭前草
玉階先自送青來
莫教惹得芳心惱

旅夜次上若韻

燭地啼無歇
漏斷聲還咽
一縷春蠶絲
不了都打做
心頭結
淚點紅冰疊
羅袖熏難熱
仙鸞雖自有靈膠
離

腸已斷何堪接

有憶

一點燈花靜掃夢渾難定
一夜相思一夜愁更忍說黃
花病 酒薄孤衾冷其奈雙眸醒
央及寒雞不肯啼分明要把愁支領

旅思

霜皎銀蟾爛風急燈花顫
夜夜寒更獨自聽怎奈得人
長歎 憶了千千萬苦把梅花絆
試驗青衫盡淚痕也

應不是歸心慢

海棠春

西湖月下次子壽

年年似與西湖約道此日荷花有諾月轉露華開酒醒
風香作蘇堤十里煙銷幕任客夢畫船飄泊清極自
生涼月照林逋鶴

曉妝 次王阮亭閨情四首

賣花聲入紅樓響看檐角霞銷珠網扶倦啓香奩一鏡

柔情漾 鬱金梳掠同心樣
撩一隻金鸞給賞好極轉
生疑更把簾旌敞

午睡

狸奴花底金眸足捲繡帖碧闌干
曲紅困一枝花驪向
茱萸褥 枕紋香印胭脂肉
鸚鵡喚茶擎小玉只剩半
牀慵拋却絲和竹

晚浴

春波欲浸桃花影
試豈惹倦眸初醒
綃解下裳紅壺瀉

珍珠冷 藏羞移却粧臺鏡
下繡幄鞋弓慢整展轉出
來遲月上懸金餅

夜坐

愁多懶說巫山雨那更理
玫砧香杵擁髻向燈花碎滴
紅如語 江關夢遠覓難去
耐不過幾聲街鼓呼婢學
郎談戲折花為塵

桃源憶故人

記事

雪花如掌深三尺高卧袁安未識侵曉叩門何急一鶴
如人立 老梅橫卧孤亭側香折玉虬無力呼酒酹花
花惜辜負林逋屐

春月

杏梁高處栖雙燕十二玉樓寒淺人把瀟湘簾捲恰對
嫦娥面 赤闌干外光如練涼影平鋪碧蘚春在枝頭
如見一一桃花片

上巳

蘭亭舊事成千古剩得青山如許今日相攜何處柳色
西陵雨 袂除若果災能去何不將愁湔取醉後繡簾
朱戶芳草裙腰路

夾竹桃

韶光流向西風候誰道紅顏不久人面可憐如舊翠倚
天寒袖 黛眉畫得初酣酒直似湘娥清瘦自到天台
洞口節操君知否

訴衷情

用劉隨州句

菊花能醉去官人出岫笑閒雲從來世上豪傑顛倒信
乾坤成往事付前因總休論五湖蝦菜三泖蓴鱸隨
地君恩

寒夜

無端剡雪阻回舟香夢隔秦篝今宵玉樓寒重鸚鵡可
知愁思作客話封侯總須休鴛鴦度曲鸛鷓買酒且
種忘憂

秋波媚

雨中新柳

搓就鵝兒綠尚遲都未使鶯知東風無賴教他細雨一
樣絲絲和煙搭在闌干上約畧淺黃時斷人腸處纔
成眉眼淚軟腰肢

旅懷

南浦輕風落藕花秋色老京華一窻涼月三更細雨倦
客思家 陡來心事香殘後清淚滴琵琶憑誰問取秦

樓過雁漢闕歸鴉

女兒港

彭蠡湖中水拖煙嫋嫋更娟娟眉山待畫眼波纔溜未
嫁當年鸞鏡奪向鏡臺前消息上頭邊誰能更學大
姑曉望新婦春眠

秋夜

閣外啼烏月曉天人上鴨頭船幾番回顧一聲珍重楊
柳門前繡牀安在東風裏離別自年年今春何事畝

將心上陡地情牽

陽臺夢

聞友人睚杭姬沈姓戲之

青簾畫漿浮殘雪
王郎夜半迎桃葉
個人翻似瘦休文
身輕那用楫
錢塘儂舊住
看盡六橋周折
今宵巫峽
在苔川可似西陵月

春曉

綠鬟風動煙絲裊
碧紗如霧窻開早
楊花鷺地撲人來

舞東風不了 傷心無限事
漸覺蛾眉翠少十分消瘦
百分慵只鏡中人老

太常引

春半

小樓絲雨碧桃鬆黃入柳條
風拾得半春慵生小慣紗
窻個儂 羞彈綠綺懶裁白紵
無奈是惺忪 櫺不畫眉
峯便有恨能藏幾重

霜溪鶴問汲山過集寓樓

隱囊閒側帽簷紗
春色徧天涯
小閣夕陽斜
夢只在臨邛酒家
當年嵇阮依然重
聚顛倒醉流霞
寄語報鶯花
肯說道潘郎鬢華

曾波閣玩月同雁水諸君用稼軒韻

桂華清影漾曾波
月借水光磨
孤宿笑孀娥
算耐得長宵幾何
今年作客中秋又
過不見舊銀河
金梳共摩娑
三百盞傾將未多

隋宮弔古

鬪雞臺下草如絲吹斷玉參差春到野田遲有大業垂
楊幾枝 同來載酒傷情詞客惆悵落花時苔蘚綠遺
碑訪徧了雷塘未知

惜分飛

寒夜

昨晚西牕風料峭又把黃梅瘦了人被花香惱起看天
共青山老 鶴叫空庭霜月小夜來凍雲如曉誰信多
情道相思漸覺詩狂少

望夫磯

歲歲江干愁佇立看遍古今秋色多少歸帆疾如何不見當年客
莓苔改盡羅衫碧莫道重逢不識但說歸來得石頭曾有能言日

寒夜聞雁

霜逼寒衾孤夢斷夢裏歸期難算夜夜無人管醒來只有燈相伴
山枕斜欹渾欲倦何處飛來隻雁叫得霜雲亂聲聲多是江南怨

燕歸梁

新製暖室名曰念寒

韻海樓西竹徑斜恰似仙家新來別構小牕紗闌干曲
護梅花雪中剩有胡牀挂地爐獸炭頻加只愁無襦
有人嗟寒較似去年些

意中

酒散西園卧翠茵燈已昏昏一輪晴月破涼雲窻眼裏
照愁身雙眸欲睡翻成醒無奈得自家嗔十年衣惹

洛陽塵空負了意中人

朝中措

北園偶作

小園一雨便成幽，獨自倚西樓。
六六陂邊水滿，三三徑裏花稠。
清狂似舊，春來放眼，盡日閒遊。
白袷長因酒染，畫船偏為詩留。

用劉隨州句

菊花能醉去官人，金粟記前身。
半世難忘酒德，一年長

祭詩神 奚為惆悵聊將曠達且養嶙峋穩住半峯山
茨飽餐千里湖蓴

平山堂和歐陽公

畫樓秋色映遙空人在白雲中一片青山斜日幾株黃
葉西風 生平得意耳因酒熱情為詩鍾試問看花帝
子何如種柳仙翁

西江月

咏別次梅村

桃葉流將舊怨柳絲不綰閒愁無情春水泛螺舟記得
畫簾招手 帳裏綃封紅淚燈前扇掩青眸一帆別恨
倩誰收心事渾如中酒

廣陵記憶

醉後獨翻棋局醒來鵲語檐牙盈盈十五掩團紗最憶
驚釵初下 幾日離情離恨一江春水春花芙蓉欲採
夢無涯怨煞鴛鴦今夜

有見

小玉梳成鬪掃善師教就琵琶惱人春着杏兒紗繡帶
臨風一把紅閣畫將萱草青牆映出梨花鬪雞坊下
認兒家棟取垂楊繫馬

月中行

用劉隨州句

菊花能醉去官人魚鳥足情親吳江煙雨綠生鱗風起
暫收綸聞雞夜舞非吾事心長在古柏寒筠劉伶山
簡共朝昏休更誦移文

少年遊

丁未三月苔中送春

草香葉嫩乍晴天
簫鼓放歸船
翠眉山黛綠
羅波殺春
去不留連
情多欲勸春
還住春也
道閨今年人散旗
亭嫩紅無恙
猶自待樊川

清明前一日家宴愛山臺

一家多解愛青山
終日翠微間
並坐衣香撲
簾花氣明
月况無端
芳尊占得沙鷗席
強飲食猶寒
覓鏡分桃

停杯勸柳紅袖與雲間

醉後贈歌者

春來燕市解金貂
取酒聽紅簫
銀燭殘時玉山頹也一
曲轉無聊
剛到銷魂處
已斷人似柳條條
鮫袖裁香
鸞鏡卧月休說鄭櫻桃

用劉隨州句

菊花能醉去
官人風月是天真
酒國多情麴生無罪滅
獨好留髭
玉釵羅袖渾閒事
銷盡杜郎魂
半世羈愁

一生醒眼笑煞楚靈均

金鳳鈞

有感

亂山雨餘青翠被一片夕陽紅砌登樓有客凭高思遠
老眼橫天欲醉 蕭蕭華髮歸無計便熟讀楚騷何濟
月生江樹舉頭長嘯紗帽忽然而墜

閨情

簾前柳絲千萬數不勾別愁多半月來樓角倚闌紅袖

忽對海棠長歎 籠中鸚鵡梁間燕難勸得東風方便
鳳衾空設欲眠還懶坐瘦燈光一點

獨見鞋

真堪在掌兒上又只合玉肩斜傍這般些小怎將偷換
猶自暗垂繡帳 行行惟恐纖塵漾長只向枕邊安放
笑他鄰女藕花池畔先已巧偷新樣

南歌子

閨情

銀甲調新火珠簾捲曉霞
辟寒初着杏兒紗正是惱人
時節不歸家鶯坐渾身柳
蜂歸兩股花一弦春怨語
琵琶昨夜鴛鴦買卦又須差

別怨

欲笑寧能笑相看懶更看
昔人哀怨有般般不道大家
一樣枕兒寒花底情無限
燈前影乍單休言別後淚
長彈何似當初未別儘儂歡

最憶

最憶愁時面難為別後心夢牽紅袖玉樓陰却是醒來
原自挽羅衿香冷鴛鴦帶寒輕翡翠衾一生難負是
知音何況蛾眉相望到而今

初秋閨怨

鳧藻纔宜火桃笙不耐香朝來無語暗思量只恐蓮壺
銀箭夜須長夢斷惟含笑啼殘懶更粧龍鬚六尺錦
匡牀怎奈好天辜負是新涼

醉紅粧

詠螢次轅文

個儂何事學疎星向紗窻暗處生玉兒相見眼偏明花
影下扇羅輕避人還故傍人行一些子最關情飛繞
銀牀休更撲殘月白露華清

勸酒

繡簾初下曲廊西照垂楊月影齊有人年少好蛾眉歌
金縷勸玻璃就中擲眼怕人疑佯低面整紅衣悄語
玉郎須盡醉郎不飲又花飛

用劉隨州句

菊花能醉去官人對鴻妻引鶴孫顛狂不怕大官嗔吾
眠矣任諸君 前山過雨黛初勻晚猶帶斷霞痕金管
玉簫堪載酒明日訪莫愁村

涼月

一天涼月弄晴輝帶清霜白雁飛故人煮酒送將歸紅
燭下有蛾眉 白梅花底雪垂垂歌金縷勸醪醪笑問
青樓曾薄倖如杜牧是為誰

醉花陰

與詩堂納涼次弘載

月照紅牆銀漢皎雲去青山小別院晚追涼弄徹瑤笙
越覺花陰悄瓊漿滿酌開懷抱醉裏乾坤好暗麝夜
香清寶髻逢迎暑向冰紈少

初夏集程山尊寓齋

楊柳花殘隋苑樹明月無尋處此夜集幽人煮酒西園
酒送江聲去平生意氣渾難據踏碎邯鄲路拔劍且

高歌醉語諸君莫似狂夫誤

答人

客裏風光難到夜夜更如何也難道不相思酒熟香溫
一個燈花下 秋棠紅點蒼苔罅惹得寒蛩罵莫說少
年狂老去休文較為情多怕

虎丘看梅

十里鶯花山壓翠容易留人醉今古不多時幾度笙歌
浪把東風費 畫船載酒文章會替却繁華累一樹一

傾杯花落杯中細嚼春冰味

書雲招飲看花時庭前芍藥罌粟荼蘼爭艷
即席漫賦

萬朶千陰同一艷色色層層見白首入名園霧裏看花
霧裏紅成片 枝枝欲把瓊漿勸醉也應難辨花欲賽
人嬌三種名葩三個蛾眉伴

甍園分賦

章貢江邊舟一葉怒浪噴銀雪留客有平原入坐清風

解盡人間熱 移牀共就南樓月
談笑都全別 莫道是尋常
鄴苑才華寥落誰重接

咏翡翠

細羽翩翩生嶺外 珠樹巢南海
來去自雙雙 紺袂青裳總把輕
盈賽 奇毛一片多情在 慣得紅兒
愛 何處惹相思 釵股衾窩點點
留光彩

江月晃重山

平望舟中次弘載

森森玻璃千頃天教吳越粘連
三秋風露好山川今宵
也沽酒白雲邊何處支機可問
直須秉燭無眠醉中
狂嘯欲驂鸞新詩就吟向玉嬋娟

秋思

蟋蟀聲中微歎芙蓉花下無眠
泥金簾幙雨殘天多生
受鸚鵡解周旋夢記君恩似月
離來客思如煙燈花
笑處轉悽然無聊賴故故撥紅絃

卧霞閣對月

畫閣正當江口朱欄斜向山腰三更醉舞露華高青天
上吹碎玉人簫直把蘭觴倒盡不須樺燭頻燒蕊珠
宮裏夜蟾嬌回頭處銀漢接紅橋

紅窓睡

幽情

不煖不寒有煖無寒酒乍醒似聞花發神雞枕上香鬟
撒把玉郎偷搗淺笑低嚔無應答昵人時金釵敲夏
屏迴龜甲梨雲夢軟被鸚哥驚煞

紅窻聽

有寄

水上漁裙年紀小，偏自有溫柔腔調。離鴻忽寫西風字，道黃花瘦了。煙波擬買松陵棹，誰知被浮雲羈絆些。兒懊惱，夢中如見，勸心兒休躁。

浪淘沙

吳女採菱

三十六鴛鴦，睡損秋光。個儂貪耍未成粧，借得鄰家新

艇子蕩漿橫塘 蓮子怕空房
綠扇凋傷纖纖偏愛小
紅香說道菱花能向日且弄斜陽

自題收綸圖扇頭小影

釣罷且歸歟拂取珊瑚欲將不義餌
鰲魚滿眼風波昏
若輩壞了江湖 留着淨菰蒲
穩啖蓴鱸從今不去踏
泥汙笑問客星伸足夜醒後何如

和畢正持過北郊遇謝山人談隋宮故事

螢火散空塘老樹蒼
李花開遍柳花亾
鳳帽龍舟纔

一瞬直恁荒涼
殘照繞紅牆
禿了垂楊
兩九飛處六
朝忙
只有玉鈎斜
上燕猶記
昭陽

姑蘇弔古

麋鹿只尋常
臺草全荒
館娃何處說興亡
一片藕花紅
不了日日斜陽
往事漫成傷
蝶怨橫塘
吳宮脂粉尚
流香
試看越弓藏
盡後更自淒涼

鷓鴣天

南園雅集

門對寒城榻對池元卿三逕竹參差梅花破雪猶含蠟
楊柳知春漸放絲樓再上席頻支滿簾山翠晚晴時
歸來走馬長堤路笑煞襄陽拍手兒

戲東伯成索酒

生計無端付醉鄉
虞卿歸後更荒唐
賢人未擬酬詩渴
聖主曾知是酒狂
霜滿帽月盈航
香山何處可能忘
願分一甕椒花雨
長對江東顧建康

南鄉子

和子壽獨夜雜憶

鄉路碧山遙月暗吳天夜
沈寥瘦盡燈花紅不語長宵
風弄琅玕影自敲
莫看沈郎腰一帽秋霜着鏡描
欲夢封侯渾未就連朝愁似胥江日兩潮

贈湯清侯

庭葉展新荷雨後春燈照薜蘿
病起心情逢客到清歌
一曲紅么喚奈何
莫漫唱迴波憔悴東陽鬢欲皤
獨有柔腸消未盡
婆婆顛倒山公白鷺蓑

鶴問紅聘

苔月慣情癡腸斷尋春杜牧之同看水嬉君較勝非遲
揀得東風第一枝 綠綺七條絲引惹春山翠不支準
取鷓鴣將貫酒相思醉擁芙蓉是幾時

又

仙李宣尋常曾釀金壺換骨香今日阮郎花裏過親嘗
醉倒南湖碧落堂 玉鏡試新粧從此雙蛾不姓張獨
怕郎心如柳絮飄颺到處沾泥似舊狂

為人贈別

曲宴到櫻桃畫棟沉香燕壘巢只有愁人偏欲去瀟瀟
細雨紅亭柳萬條獨自上蘭橈淚洒春江作晚潮從
此鳳樓明月夜迢迢一樣離寬兩處招

秋懷

秋半井梧稀碎杵零砧趨客衣一榻流黃眠不穩花迷
夢到紅橋月正低酒薄被愁欺許大心兒萬感齊滴
盡銅蓮天未曉牆西多謝花冠儘力啼

鵲橋仙

七夕用乩仙韻

雲帷秋訂霞輿宵發鵲羽無端遭軋相思正自為黃姑
又忍聽鄰吹尺八瓜陳綺席花生絳蠟心字香焚睡
鴨漫須乞巧向天孫怕巧盡難為收煞

閏七夕再用前韻

靈期新展仙踪再遇玉軸還停伊軋若非桐葉十三枝
明日是仲秋重八花增吉慶線添連愛瓜果筵開射

鴨天孫自要兩填河把乾鵲無端忙煞

題嵇留山抱犢圖

南陽禾黍漢川桑柘多少英雄狼藉歌殘白石荷鋤歸
如此客何為田舍一笛吟龍雙鬟飄麝掛角漢書初
卸青山斜對玉山頽須認取而叔夜

閨恨

帳天雲薄被池香淺昨夜餘涼成冷梧桐堆恨滿銀牆
竟礙住轆轤朝綆慵調寶瑟懶拈金管事到斷腸難

省芙蓉還怕着新霜便睡似鴛鴦易醒

為蔡少君壽

珊瑚插架芙蓉擘紙共把文姬再換誰知浴佛向紅窓
又占取蓮花一瓣 當年筆虎前身夢烏消得梁家玉
荼紫綈圖就滿巾箱那不許劉郎偷看

秋夜不寐

愁心易熱倦眸難合照影看看紅瘦殘秋未是病偏多
耐不過迢迢銀漏 鄰雞懶唱鏡鸞羞舞恨殺司空

謬猛拚夜半起吹燈
勻幾刻補添清畫

虞美人

春雨次李舒章

紅絨冷落秋千架
人約西陵罷梨花
和淚閉重門却似
玉兒憔悴憶東昏
孟婆苦把東君妬
做作催春暮愁
春人正在朱樓聽
盡絲絲點點倚香篝

離情

無情最是樓頭鼓
不信離人苦
聲聲敲得夢雲開
又把

湘愁峽恨送將來
屏山畫出還家路
其奈歸期暮大
江風雪棹歌遲
正是銀箏小婦倚闌時

明月棹孤舟

本意

蕩漾晴霞茗水暮
行人在亂山青處
隱約漁燈參差蟹
舍盡是菱煙荷霧
畫舫朱簾紅粉露
記昔日靈槎曾
渡一曲歌清雙鐔劍
老驚起魚龍無數

江上

黃葉幾枝橫酒舍擺西風酒旗低亞醉不成歡心難與
問誰是蘆中人也 萬里江聲潮欲瀉似當年雷轟萬
馬兩眼秋雲一身斜日長嘯佛狸祠下

一斛珠

踏青

啼鶯不斷垂楊叫得青
撩亂雲烘曉色陰晴半正好閒
遊油壁西陵畔 園亭鬪草間
招伴鶉絲斜露黃金蒜
踏青鞋子遮人換
猛避兒郎錯教桃花絆

感興

美人何處歸來獨立青山渡
離騷欲賣無堪與竒字零
星錯剪雲霞補樓船盡載斜陽去
蘆花瑟瑟鳴秋櫓
大夫飄泊今如許搔首西風只共離鴻語

踏莎行

次韻答杜茶村杜適行二

雁送霜愁蛩添雨思苔生卧閣渾無事
柴桑處士正饑
驅白衣慚媿江州刺句冷吳楓題殘永柿杜家又讓

君行二買山自是故人心何須吐吐頻書字

湖上

鏡影平湖裙腰芳草一般春樹西陵好今年更自覺
撩人畫船繫處垂楊裊那得身閒空憐鬢老沈郎清瘦
誰知道擬將愁緒訴東風東風又怕花枝惱

登章貢臺七姑祠下

二水交環一亭孤峙飛鴻數盡斜陽裏蛾眉何處問殘
碑金爐篆冷飄香地豆架藤荒瓜棚竹倚閒行暫遣

羈情耳無端高處轉生愁歸帆不把鄉心寄

端江聞笛

雲淨天青波平岸綠寒江月上雙鷗浴一聲嫋嫋是誰
家胡牀夜半吹橫竹萬里登樓三更剪燭關山夢斷
初聞曲憑誰反得廣陵潮趁他潮去歸應速

小重山

遊壑菴

蘇小堤邊東復東啼鶯聲不住百花中斷橋無路倩雲

通人過處又被碧雲封
鷓鴣莫迴踪胡牀清興劇與
君同接羅顛倒玉鉗空人醉也卧占翠芙蓉

憶昔次卧子

十里珠簾金鳳鈎大堤堤上路舊時遊
枇杷花下不知愁青溪月夜夜照風流
往事但悠悠鴛鴦飛盡處白蘋洲
蘭成蕭瑟倚江樓傷情也一曲舊伊州

旅思

悞訪西陵油壁車飄零隨落絮幾年華
歸來垂柳帶霜

斜青衫溼何處問琵琶
別恨正無涯無端歸夢裏又
離家五更不睡共梅花殘燈影一點映紅紗

小孤山

滾滾江聲萬里長雄風留不住下潯陽蛾眉獨立水中
央波濤湧冰雪素肌涼絕壁倚青蒼年華小誰擬許
彭郎生憐阿姊妬新粧孫家妹結伴采紅芳

惜分釵

閨憶

春初到寒猶峭碧窻人向東風笑花千枝柳千絲燕子
鶯兒相見何時遲遲人難料情空抱愁來玉鏡先知
道話長疑夢長啼月照紅廊獨坐顰眉癡癡

憶別

橫塘路西陵渡柳絲遮斷憑樓處曉風清早潮平一幅
輕帆十里長亭行行留難住愁無數劉郎自為桃花
誤炙銀笙弄瑤箏三生舊約半晌離情停停

離緒

星初渡月乍吐悶酒斟殘留不住語聲低淚痕齊幾回
欲別此際難離依依行不免情何遣衣帶長江天樣
遠百般憂兩邊愁無聊夜月有恨清秋休休

七娘子

有憶

絲絲小雨桃花病鸚哥說道清明近醉也成慵吟還添
悶檀香羅薄春寒剌倚樓望斷飛奴信東風影裏文
君髻泪溼琴絲枕寒香印歸時留作相思証

七夕

年年客裏今年遠
紅牆坐見銀灣淺
兩水家遥雙星夜
短人天總為情難免
葢珠深處新涼滿
鳧花懶醉黃金
枕雨作啼痕
雲遮夢
眼神仙轉
被人消遣

昭君怨

疎竹

疎竹誰教繞舍敲
亂鄉心中夜偏是客中寒
不還山
一片癡情未了
斷送愁人昏曉
霜重冷無聲
可憐生

探春令

次上若紅橋春泛

年年芳草似裙腰見興亡無數倩垂楊留得黃鶯住正
歌吹揚州路 蘭州醉讀參軍賦向蕪城東去看雁齒
橋邊倚欄人在莫認紅樓誤

迎春樂

燈夜

東風着意催絃管先送與梅花暖參軍歲歲逢春懶怎

耐得看燈眼 無賴是玉輪
高輶都照向紅樓人面一
個揚州杜牧早為迷香軟

孤館深沉

贈錢青瑟較書

尋常梳掠雙紅暈
午起心情猶困生
怕有人來分付鸚
哥口兒穩 攤書小閣閒
相並笑把紫微低問
聞道也 遭嗔何事依
舊耽花恁

茅山逢故人

醉題

滿目亂山無數一片寒潮來去故業何存故人何在故鄉何處離騷一卷長懷莫向西風空訴才子無時美人無對英雄無路

憶漢月

登樓

最是闌干高處望見斜陽烟樹青山圍繞似相留又倩江聲攔住也知秋正好只恐被黃花催去醉橫老眼

對西風曾見興亡無數

武陵春

江月

月照大江流不斷一片好清秋
搖落江關是處愁與客
且登樓側帽參軍今已老
那得更風流玉簫憔悴畫
橋頭莫問舊揚州

應天長

春思

楊花一片飛如雪
鸚鵡睡殘花底月
夢還驚心轉怯
鼠
美金荷燈穗折
意中愁眉上結
瘦比前春較別
記取
繡羅裙褶又寬
雙蛺蝶

憶蘿月

秋閨聽雨

拂罷紅珠斗帳
兩葉宮眉相向
寶奩頻展不成
粧懶照
秋來模樣
更頭孤雁到
拖帶過雨聲
一晌淒淒戚戚
是儂心寬煞
敗荷殘響

鏡中人

夢難成

夢難成聲轉急一夜燈花紅溼添得春潮幾尺盡是啼
痕滴處處江山還作客冷落西泠油壁一片癡情消
不得誰使秋娘識

別緒

綠楊花烏桕樹日日門前來去別後浮踪無據夢繞西
陵渡是處亂山啼杜宇黃蘗難言心苦疑煞楚雲和

楚雨悔被詩情誤

本意

鳳銜花鸞舞月誰使烏菱瑩徹才到曉霞時節裏面藏
嬌怯 頰暈霜花眉兩葉恰與箇儂無別儂只讓他他
讓妾他却無言說

木蘭花令

咏六月玉蘭

有序

槐雲垂蔭愛夏木之初森榴火舒炎悵春華

于已謝忽看瑤圃茁鄭宮夢裏之靈姿爰有
琪葩是楚澤賦中之異種玉杯擎露在此日
而偏竒寶蓋凝霜以非時而獨艷面原無汗
拭則愈鮮肌欲生涼蒸而不熱豈云操成幽
谷方同王者之香實則歌叶皇都良應大人
之瑞適逢對酒敢為抽毫賦得木蘭花一闋
芟翻風梅送雨幾朶瓊華驚帶暑沾宴粉借荀香汗落
九英原是露夏將徂春向住玉杯擎向瑤臺處雲母

幃雪兒歌不數王家珠幾樹

山花子

靈山池上聽雨用李後主韻

厭聽江聲客興殘
西風催送白雲間
高卧小窓閒對雨
鏡休看
錦石池塘秋瀲灩
葢珠宮殿夜清寒
夢起偶思前歲事似長干

賣花聲

秋夢

秋雨夜穿窻玉簟初涼夢兒輕薄不尋常偷趁離人新
睡覺先返家鄉來去總荒唐煙水迷茫一聲鷓鴣喚
歸牀空賺閒愁千萬種紅淚淋浪

羅敷媚

樹蘭盛開同韜汝花下小飲

疎簾冰簟溪堂靜客到羊求閒共沙鷗坐看香蘭笑素
秋雞蟲得失何堪問倚檻凝眸碧樹煙收一片斜陽
隔水樓

春日苦雨

東皇故把春狼藉，做盡無聊鎮日連朝。不讓黃鸝上柳條。香泥阻斷王孫路，莫問吹簫。一夜春潮已過紅樓。第二橋。

戀繡衾

美人春睡

花映紗幃眼倦，暖歛珊瑚雲髻。一縞似有淺顰低笑夢。兒中情事若何。輕翻畧把腰肢，裊奈朦朧嬌困。怎那

強覺把雛鬟問問郎來曾見甚麼

醉垂鞭

美人戲馬圖

扶上翠鬟鬆風吹處衣香度頻取繡裙籠紅遮玉一弓
金鞭休更打和衫把過花叢莫便繫青驄行雲向楚

峯

朝玉階

秋日

秋老江關未易晴芙蓉花發處縠紋明白鷗無數總身
輕都來花影下啄浮萍暮年蕭瑟笑蘭成閒又詞賦
手沒心情倚闌惟看月華生三更還弄笛倒銀瓶

撥香灰

本意

紅珠夜冷流酥卷小膽向空房較懶紫棧重將心字添
奈似雪情灰滿手持金箸心頻轉願密意篆煙難斷
只恐心情轉眼寒怎得似金爐煖

秋蓋香

丁觀察署齋看桂

正是黯然情緒秋滿月中仙樹故人留我傾芳醕盞內
花飛無數 天香暗向筵前度薰衣紵直教別後思歡
聚徒望廣寒高處

合歡羅勝

史蕉飲邀同書雲舟次蛟門木菴晝公諸輩

小集西園即席漫賦

雨過郊原沙路淨繞城綠水纔通良朋有約在灑東銜
杯荷葉露却扇柳條風草就新詞剛半醉斜陽未了
殘紅畫船簫鼓莫匆匆清歌人似玉遙望月如弓

杏園芳

雨愁

蝦蟆更報將明晝檐一陣春聲玉兒殘夢未全醒為花
驚昨夜牡丹初放足東皇怎不心疼下牀悄倚楚山
屏幾回聽

武陵春

題扇面小景


卷畫溪頭春事好
煙雨綠無邊
若有人兮或似仙
仰卧看青天
耐耐亂山都送翠
堆滿鳴兒船
載向城中換酒錢
人笑老漁顛

眼兒媚

贈錢楚夢

垂柳依依又經年
離恨記錢錢
斜眸不語低頭欲笑幽

意誰傳 雲英未嫁還重見含睇菊花邊檀香袖口鬱
金裙褶不似從前



林蕙堂全集卷二十三